

欽定大清會典事例

欽定大清會典事例卷一千一百八十一

內務府

祀典

元日拜

堂一規制

天

堂子圓殿
堂子月祭

錫神亭月祭

堂子立杆大祭

堂子尚

堂子規制○凡祀

堂子之禮建

堂子於

長安左門外街門北嚮內門西嚮建祭

神殿於正中南嚮前為拜

天圓殿殿南正中設

大內致祭立杆石座。次稍後。兩翼分設各六行。行各六重。第一重為

諸皇子致祭立杆石座。次親王郡王貝勒貝子公。各依次序列。均北嚮。東南建

上神殿三間。南嚮。○順治元年。建

堂子於

長安左門外玉河橋東祭

神殿五間。南嚮。上覆黃琉璃瓦。前為拜

天圓殿。八面柱扉。北嚮。東南

上神殿三間。南嚮。

註

上神殿。即

欽定滿洲祭

兩錫神亭。

神

祭

天典禮。

尚錫之神。印曰苗神。其殿祝辭所稱。鈕徽台吉。武篤本貝。

子者皆不
得其緣起。

內垣一重。門三開。西嚮。門外西南祭

神房三間。北嚮。門西直北為街門三。閉以朱柵。外垣一

重。○乾隆元年增設

堂子祭

神殿黃紗鐙四座。

圓殿黃紗鐙四座。大門紅鐙四座。甬道紅鐙二十八座。

○十九年

諭。王公等建立神杆。應按爵秩設立整齊。以肅觀瞻。嗣後著每翼作為六行。每行六分。以未分封皇子等列

於前。其次則親王郡王貝勒貝子公等。分為六層。設立神杆。皇子內已受封爵者。其神杆視所封爵立於應立之處。所有石座不必移動。神杆各按爵秩更換。每年修整一次。著禮部會同內務府總管察看。繪圖進呈。著為例。欽此。遵。

旨議定。

神杆石座。每翼作為六行。每行列六座。

皇子

神杆列前一行。其次親王郡王貝勒貝子公。各按行排立。現在左翼親王七人。郡王三人。貝勒三

人貝子一人公二人應將第七親王

神杆石座列於次行郡王之首餘皆按次排列右
翼親王四人郡王六人貝勒二人貝子一人公
子有七人人數多寡不齊應將親王列於前其
次郡王貝勒貝子公按一行六座之數通融序
列謹繪圖黏籤進呈

御覽嗣後遇有應行挪移

神杆宗人府豫期行文禮部註冊至年終禮部滿
洲堂官會同內務府總管赴

堂子敬謹公同閱看將

神杆石座修整一次。現在所有

神杆石座原係各王貝勒貝子公本家設立。石塊大小不一。亦不整齊。應交工部選其堪用者。修整應用。不堪用者。另行製造。一體修飾潔淨。安設。永以為例。

堂子圓殿元日拜

天○每歲正月初一日。

皇帝率王公滿洲一品文武各官詣

堂子。行拜

天禮

由禮部豫期請
各行各衙門照例
連拜。

前期十二月二十六日內

務府官詣

坤寧宮請

神送往

堂子。屆時。衣金黃緞衣。內監十六人。昇二黃緞

神輿進

內左門

近光左門

景和門。豫備於

坤寧宮門外。衣黃緞衣。司俎滿洲二人。恭請朝祭

夕祭

神位各安奉輿內。衣黃緞衣內監舁輿由

宮殿正門出前引

御仗四對。羊角燈二對。亦用衣金黃緞衣內監執
之。司俎官司俎司俎滿洲各二人由

宮內前引至

乾清門外。侍衛十人前導。掌儀司官一人扈行。出
長安左門至

堂子。於

饗殿內並與奉安朝祭

神位於東。夕祭

神位於西。輿前各設大低卓一。卓上各供香碟一。每朝夕令看守。

堂子人員上香一次。至除夕。內務府派員於

圓殿內焚舊紙錢。

欽派總管大臣一人。率諸王長史或一等護衛於

圓殿內挂新紙錢。總管大臣於殿內高案下所立杉柱

上挂紙錢二十七張。諸王長史護衛等依次各

挂紙錢二十七張。

禮部派司官筆帖式各一人前來照料。

有司陳

香盤。司俎官上香。工部於

午門前陳設嘉量。步軍統領率所部掃除街道。至

日。工部官於

堂子內鋪椽薦。武備院卿設

皇帝拜褥於

圓殿外甬道正中。鑾儀衛陳

法駕鹵簿於

午門前。鴻臚寺卿率鳴贊官夾甬道東西面序立。

日出前十刻。禮部堂官詣

乾清門請

駕。

皇帝御禮服。乘禮輿出宮。前引大臣十人。後扈大臣

二人豹尾班執槍佩刀侍衛二十人佩弓矢侍衛二十人翊衛如儀

駕發警蹕。

午門鳴鐘。

法駕鹵簿前導。不與行禮之文武百官。及外藩蒙古王公台吉。朝鮮諸國使臣。咸朝服跪送。陪祀之和碩親王以下。未入八分公以上。及滿洲一品大臣。俱豫往。

堂子街門內東嚮立候。

駕過跪迎。興隨入樂部陳導迎鼓吹。設而不作。

駕至

堂子街門。禮部堂官二人恭導。

皇帝至內門降輿。由中門入。至

圓殿前。就拜位南嚮立。鴻臚寺官引王公於丹陛上。引各官於丹陛下。均南嚮序立。鳴贊官贊行禮。

皇帝率陪祀之王以下各官行三跪九拜禮。畢。禮部堂官恭導。

皇帝出內門升輿。

法駕鹵簿前導。導迎樂作。奏祐平之章。

皇帝回鑾。

午門鳴鐘。王公從。各官以次退。不與行禮之各官。
及蒙古王公台吉。諸國使臣。於

午門外跪迎。

駕至內金水橋。恭候。

皇帝還宮。王貝勒貝子詣。

乾清門。俟入。

坤寧宮祭。

神廟行禮。乃退。初二日奉。

神還宮。屆時。衣金黃緞衣。內監十六人詣。

饗殿內。恭昇二黃緞。

神輿前引

御仗四對。羊角燈二對。俱用衣金黃緞衣內監執之。前引侍衛十人。後扈掌儀司官一人。仍由長安左門及各

宮殿正門至。

乾清門。司俎官。司俎司。俎滿洲各二人。前導至坤寧宮門外。衣黃緞衣。司俎滿洲二人。於

神輿內恭請

神位至

坤寧宮安奉如儀。崇德元年定。每年元日。

躬率親王以下。副都統以上。暨外藩來朝王等詣

堂。子上香。行三跪九拜禮。○又定官員庶人等。設立

堂。子致祭者。永行傳止。○六年定。每年元日。親王以下。

貝勒以上。遣護衛赴

堂。子挂紙。貝子以下不挂。

今郡王以上挂。貝子以下皆傳挂。

○順治二

年定。每年元日。

親詣

堂。子行禮。或不行禮。由禮部豫期奏請。○又定元日

親詣

堂。子行禮。親王以下。貝勒以上。外藩來朝親王以下。貝

勅以上皆赴

太和門恭俟。

大駕鹵簿樂器陳設如常儀。

駕出。王等在

午門內金水橋南。分翼序跪候。

駕過。隨行。貝子以下。鎮國將軍以上。民公侯伯。都統。子滿漢尚書。漢武官一品以上。等官。及外藩來朝。貝子以下。都統以上。均於

長安左門外恭俟。

駕至。跪候。過。隨行。至

堂子行禮時。王以下各官隨行禮畢。

駕還宮。王公從。其不隨往之文武各官。咸朝服。於午門外恭俟。

皇帝詣

堂子。及

駕還宮時。皆排跪迎送。○定。每年元日。

躬率王公羣臣展拜於

堂子。禮成回鑾。王貝勒貝子等詣

乾清門恭候

皇帝率王貝勒貝子於

宮中祭

神殿行禮。由禮部豫期請

旨。○康熙十一年

諭。人君對越神祇。務盡其誠敬之心。禮儀節文。宜臻明備。每年元旦躬詣

堂。子展拜。可令鳴贊贊禮。永著為令。○十二年奉旨。嗣後

堂子行禮。漢官不必隨往。○二十九年定元日

皇太子隨

駕詣

堂子行禮。是日內務府總管於

圓殿進楮帛畢。次以

皇太子楮帛進。

皇太子隨

駕出宮。至

堂子。於

皇帝拜位後稍左。隨行禮。

宮中祭

神。殿行禮儀同。○雍正元年議准。元日。

皇帝詣

堂子。王以下滿洲文武一品官。於街門內內門外。西邊

序立。

駕至。跪候過。隨入行禮。○乾隆五年奉

旨。嗣後正月初一日。

堂子懸挂紙錢於朕躬未到以前。俱行懸挂。俟朕躬到時。即率王公等行禮。○十七年奉

旨。

堂子祀典。載入內務府會典。

堂子月祭。○正月初三日。每月初一日。司組官一人。司

俎一人。於

堂子圓殿內高案下所立杉柱上挂紙錢二十七張陳時食一盤醴酒一琖於案別設小案陳椀二一實酒一虛設司香上香奏三弦琵琶之內監二人坐於

圓殿外甬路西東嚮鳴拍版拊掌之守

堂子人坐於東西嚮司俎官立於

圓殿外階下之東司祝進跪司香授琖司祝接琖獻酒

司俎官贊鳴拍版即奏三弦琵琶鳴拍版拊掌

舉琖以獻凡六獻每獻司俎官贊歌鄂囉囉守

堂子人歌鄂囉囉獻畢以琖授司香司祝一叩興合掌

致敬。司俎官贊停拍版。三弦琵琶拍版暫止。司香授神刀。司祝接神刀進。司俎官贊鳴拍版。即奏三弦琵琶鳴拍版拊掌。司祝一叩興。司俎官贊歌鄂囉羅。衆歌鄂囉羅。司祝擊神刀禱祝時。則歌鄂囉羅。誦神歌。祝禱三次。如前儀。如是九次畢。司祝一叩興。復禱祝三次。以神刀授司香。司俎官贊停拍版。三弦琵琶拍版皆止。司祝跪祝。一叩興。合掌致敬退。所供酒食。給守

堂子之人。○崇德元年定。每月朔。親王以下。貝子以上。每府委官一人。前期齋戒。是日詣

堂子供獻

今自郡王以上供獻

堂子立杆大祭。○每歲春秋二季月朔。

或二四八月。或上旬。或十日。

於

堂子內立杆大祭。

內務府請

皇帝親詣

行禮。

或遣贊祀致祭。

前進行。如遇

旗行禮。禮部會同樂部恭進儀節。並通行各衙門。與元旦行禮同。

前期一月內

務府派副內管領一員。帶領領催三人。披甲二

十人。前往直隸延慶州。於潔淨山內。砍取松樹

一株。長二丈。圓徑五寸。樹梢留枝葉九層。製為

神杆。用黃布祇包裹。齋至

堂子內。暫於近南牆所設紅漆木架中間。斜倚安置。前

期一日立杆於

圓殿前中閒石座祭之日豫於

饗殿中閒將鑲紅片金黃緞

神幔繫以黃棉絨繩懸於東西山牆所釘之鐵環

北炕中閒西首設供

佛亭之座炕上設黃漆大案二案上陳香碟三炕前設

柎木案案上陳藍花瓷椀二案兩旁地上設紅

花小瓷缸二案前鋪黃花紅氈

圓殿內柎木高案上陳銅香鑪柎木低案上陳藍花瓷

椀二案兩旁地上設暗龍碧瓷小缸二

饗殿及

圓殿內俱設黃紗蠹燈四。中道甬路設涼席。並設紅紙蠹燈三十有二。屆時衣黃緞衣內監八人昇黃緞

神輿一。俟於

坤寧宮門外。衣黃緞衣司俎滿洲二人恭請

佛亭並儲

菩薩像黃漆木筒儲

關帝神像紅漆木筒。安奉輿內。燈仗引扈如常儀。昇送於

堂子。凡祭祀所用清酒罇。打糕。索繩。淨紙。

神杆頂。俱置架上。及盛於食盒內。隨後昇行。至

堂子時。衣黃緞衣。司俎滿洲等。安奉。

佛亭於西首之座。次於

神幔上懸

菩薩像。又次懸

關帝神像。後將索繩三條。一端合而為一。繫於北山牆

中間所釘環上。一端由

饗殿隔扇頂橫窗。中孔內穿出。牽至甬路所立紅漆二

木架中間。分穿於

神杆頂三孔內以黃綠白三色高麗紙鏤錢二十
七張合而為九挂於

神杆頂三孔所繫三條索繩之上又合而為一由
圓殿之南北隔扇頂橫窗孔內穿出繫於

神杆以黃色高麗布

神旛懸於杆首其

圓殿內高案下所立杉柱上亦挂黃綠白三色高麗紙
鏤錢二十七張

饗殿內供打糕搓條餄餄九盤酒三瓊於北案炕上司
香啟亭門上香注酒於炕前案上藍花瓷碗中

圓殿內。供打糕。搓條餠。餠三盤。酒一瓊於高案上。其低案上所設藍花瓷碗內亦注酒。奏三弦琵琶之內監二人坐於

饗殿外丹陛之西。鳴拍版侍衛二十人對坐於丹陛兩旁。鳴拍版拊掌。衣朝服司祝二人進跪。司香二人舉瓊分授以獻。司俎官一人於

饗殿階下東首立。贊鳴拍版即奏三弦琵琶鳴拍版拊掌。二司祝每獻將所獻酒注兩旁所設紅花瓷缸內。復自盛酒碗內挹酒各注於瓊中以獻。每獻司俎官贊歌鄂囉囉。侍衛等歌鄂囉囉。凡九

獻畢各以瓊授司香同一叩興合掌致敬司俎
官贊停拍版三弦琵琶拍版暫止二司祝進

圓殿內跪司香等授瓊以獻凡九次奏三弦琵琶鳴拍
版拊掌歌鄂囉羅均如

饗殿獻酒儀獻畢各以臺瓊授司香一叩興合掌致敬
一司祝豫立於

圓殿內一司祝進

饗殿正中立司香授神刀司祝接神刀前進司俎官贊
鳴拍版即奏三弦琵琶鳴拍版拊掌司祝一叩
興司俎官贊歌鄂囉羅侍衛等歌鄂囉羅司祝

擎神刀禱祝三次。誦神歌一次。擎神刀禱祝九次。畢。復奏三弦琵琶鳴拍版拊掌。司祝進。

圓殿內一叩興。誦神歌。擎神刀禱祝。及侍衛等歌鄂羅。羅俱如祭。

饗殿儀禱祝畢。復進。

饗殿內一叩興。又禱祝三次。司俎官贊歌鄂羅。侍衛等歌鄂羅。禱祝畢。以神刀授司香。司俎官贊。停拍版。三弦琵琶拍版皆止。興退。司祝復跪祝。叩興。合掌致敬退。其。

圓殿內。豫立之司祝。亦跪祝。叩興。合掌致敬退。司香。闕。

佛亭門。徹。

菩薩

關帝神像。恭儲木筒內。仍用衣黃緞衣。司俎滿洲等。安奉輿內。銜仗排列前導。恭請入

宮如儀如遇

皇帝親詣行禮。掌儀司官鋪拜褥於

饗殿及

圓殿內。武備院卿先鋪坐褥於

饗殿檐下西開。鑿儀衛陳

法駕鹵簿。日出前十刻。禮部堂官奏請

皇帝御龍袍。袞服乘禮輿出宮。王以下入八分公以上。咸蟒袍補服。豫存。

堂子柵欄內大門外。西立東嚮。祇候滿洲一品大臣蟒袍補服。隨。

駕至。

堂子街門。王公跪候過輿。隨行。

皇帝至內門降輿。由中門入詣。

饗殿前東嚮。坐於所設褥上。內務府大臣恭進拍版。奏三弦琵琶。司組內監二人。進在丹陛上西首。鳴拍版。司組官司組十人。在丹陛兩旁。次王貝勒。

在丹陛之上。貝子公在丹陛之下。按左右翼對坐。掌儀司官員以拍版授王貝勒等。一司俎官立於

饗殿階下。東首。司祝獻酒。擎神刀。禱祝。贊鳴拍版。歌鄂囉囉。則奏三弦琵琶。鳴拍版。拊掌。歌鄂囉囉。

皇帝進

饗殿

園殿內行禮禮畢。

皇帝坐於西間正中。南嚮。王公等各就原處列坐。尚膳正司俎官以小案列胙糕恭進。尚茶正奉獻。

福酒。

皇帝受胙畢。分賜各王公。禮成。

皇帝由中門出。升輿。奏樂還宮。王公等隨。

駕至內金水橋。恭候。

皇帝還宮。乃退。所餘糕酒。分賜扈從侍衛官員司俎
等。如遇。

壇

廟齋戒。及清明等日。將致祭之日。改期。○崇德元年定。

親王郡王貝勒。每家各祭三杆。貝子鎮國公輔
國公。每家各祭二杆。鎮國輔國奉國將軍。每家

各祭一杆。不祭者聽。無爵宗室不得祭。每月初

一日

大內致祭。初二日以後。親王郡王貝勒貝子公等。各以位次按日致祭。各家應祭之日。若遇

大內致祭。則應祭之家暫停。凡祭三杆之家。於定期內各祭一杆。過十一日後。再各祭二杆。或致祭日有兩三家同祭者。仍依位次。俟應先祭之家祭畢。次祭之家方祭。如諸王貝勒於定期致祭之日。有事不得祭。豫期知會禮部。令次祭之家致祭。其有事者。隨便補祭。

今自大內至八分公均祭一杆。

鎮國將軍以下。不立杆致祭。有違例多祭。爭先致祭者議處。

○又定。每年春秋立杆致祭於

堂子。用松樹一株。

枝葉向側。留樹抄枝葉十有三層。今留枝葉九層。餘皆芟去枝葉。製成杆。

長二丈。

柎木。旛頭黃絹旛一首。五色綾各九尺。

為

纒。三色朝鮮貢紙八十張。製為黃棉線三斤八

兩。及染旛紙用紫花槐子。白礬。均交各該處辦

進。○順治二年定。每年春秋立杆致祭。

皇帝親詣行禮祭日。

大駕鹵簿全設。內務府掌儀司官設

皇帝拜褥於

堂子祭

神殿內

圓殿內。甬道鋪梭薦。兩殿內均鋪五綵花席。花紅氈。

皇帝御禮服乘輦出宮。王以下入八分公以上。在

午門內金水橋南兩翼排跪候。

駕過隨行。不入八分公以下。暨文武各官。均於

午門外排班跪送。

駕至

堂子門外降輦入。至殿外嚮東坐。王貝勒等在丹陛上。

貝子入八分公等在丹墀內坐。

皇帝於祭

神殿及

圓殿兩處行一跪三拜禮。諸王大臣皆序立。不隨行禮。禮成於殿檐下兩旁正坐。公以上在丹陛上分翼序座。進福餽飲福酒畢。

皇帝升輦。作樂還宮。○又定春秋致祭。贊祀所用朝衣及請

神位至

堂子所用黃輿

御仗衣帽均於各該處領取。○康熙五十七年奏

准嗣後奉請

神位至

堂子。令步軍除道清蹕。侍衛十人前導。掌儀司官及司
俎官導引隨行。以肅觀瞻。所用黃輿及執

御仗內監。導引官員。均由掌儀司辦理外。其前導
侍衛。移文領侍衛內大臣委侍衛十人。並移文
步軍統領清蹕除道。○乾隆十一年奉

旨。嗣後春秋立杆致祭。親詣

堂子行禮儀注。著禮部會內務府同奏。

堂子尚錫神亭月祭。○每月初一日。於

堂子內東南隅

尚錫神亭祭祀設時食一盤醴酒一琖於案上。司香上香。司俎滿洲挂淨紙於高案下所立杉柱上。諸王護衛等。各以次挂淨紙。滿洲管領一人。免冠脫褂解帶入。跪叩祝畢出。司俎入。將所陳酒注案前所設碗內。徹所供時食分給管領。

欽定大清會典事例卷一千一百八十二

內務府

祀典

神於堂子浴

堂子佛出師為馬祭

祇告及堂子員

凱旋告成於

堂子

堂子浴

佛○每歲四月初八日

佛誕前期內務府於

堂子

饗殿中間懸柱

神幔於覺羅之妻內擬定正副贊祀二人

即司咨

送禮部。並將有無事故。行查該旗。禮部以某人
之妻充贊祀浴。

佛具奏得

旨。行知該旗。並傳王等。於是日遣長史護衛前往供
獻。復將

大內及八旗佐領軍民人等。不祈禱。不報祭。不宰
牲。不理刑名之處。出示通衢。並咨八旗各部院
大小文武衙門一體遵照。屆時由

坤寧宮恭請

佛亭。並繕

菩薩

關帝神像二木筒昇送於

堂子。至時安奉

神位於祭

神殿。陳香。鐙。獻糕。酒。與春秋二季立杆大祭同。所有應

供。檟。葉。餠。餠。及酒。罇。紅。蜜。棉。花。俱。置。架。上。及。食

盒。內。隨。後。昇。送。諸。王。皆。呈。供。餠。餠。並。備。酒。蜜。棉

花。謹。將

大。內。所。備。紅。蜜。及。諸。王。備。供。之。蜜。各。取。少。許。儲。黃

瓷。浴。池。內。以。淨。水。攪。勻。司。香。啟。亭。門。司。祝。請

佛於黃瓷浴池內浴畢。復以新棉墊座。安奉於亭中。陳大內所備椸葉餠餠九盤。及諸王呈供之餠餠於黃漆案上。設酒琖三。香碟三。司香上香。炕前小卓上。設大黃瓷碗二。盛

大內所備酒及諸王呈供之酒。其

圓殿內以椸葉餠餠及諸王呈供餠餠置銀盤內。以諸王呈供之酒置小案上。所設藍花瓷碗內陳之。復豫於高案下所立杉柱上挂紙錢二十七張。諸王遣來人亦俱挂紙錢。奏三弦琵琶內監二人。坐於

饗殿外丹陛西首。諸王護衛官員對坐於丹陛之旁。鳴拍版拊掌。司祝二人同獻酒九次。凡

饗殿

圓殿內獻酒誦神歌。擊神刀。禱祝叩拜之儀。與奏三弦琵琶。鳴拍版拊掌之節。及禮成恭奉

神與人

宮。均與立杆大祭同。其所供酒與餈餈。分給隨去之侍衛官員司俎等。○崇德元年定。每年四月初八日。

大內並每旗王貝勒一人。依次往

堂子供獻

今惟親王
郡王供獻

是日。

大內及各旗佐領軍民人等。不祈禱。不祭神。禁屠
宰。不理刑名。○順治二年定。浴

佛日。贊祀所用朝衣及請

佛至

堂子用黃輿

御仗衣帽。於各處領取。與春秋致祭同。

為馬祭

神於

堂子。○每年春秋二季為馬祭

神。每祭以二日。正日為所乘馬祭於

堂子圓殿。司組官一人。司組一人。於

堂子圓殿內高案下。所立杉柱上。挂紙錢二十七張。案

上陳打糕一盤。醴酒一琖。縛馬鬃尾綠絢條二

十對。又於地上所設案上。陳大椀二。一盛酒。一

虛設。司香上香。上駟院牧長牽白馬十匹。立於

圓殿外甬路。下西嚮。奏三弦琵琶。內監二人。於甬路上

東嚮。鳴拍版拊掌之看守。

堂子人西嚮。俱坐。司祝進跪。司香舉琖。司祝接琖獻酒。

司組官一人。於

圓殿外階下東首立。贊鳴拍版。即奏三弦琵琶鳴拍版拊掌。司祝每獻。將所獻酒注虛椀內。復自盛醴酒椀內挹酒注琖中。以獻。每獻。司俎官贊歌。鄂囉囉看守。

堂子人歌鄂囉囉。凡六獻畢。以琖授司香。一叩興。合掌致敬。司俎官贊停拍版。三弦琵琶拍版。暫止。司香授神刀。司祝接神刀進。司俎官贊鳴拍版。即奏三弦琵琶鳴拍版拊掌。司祝一叩興。司俎官贊歌。鄂囉囉。則歌鄂囉囉。司祝擊神刀。禱祝三次。誦神歌禱祝一次。擊神刀禱祝時。則歌鄂囉囉。

羅誦神歌。禱祝三次。如前儀。凡九次畢。司祝一叩興。復禱祝三次。以神刀授司香。司俎官贊。停拍版。三弦琵琶拍版皆止。司祝一叩興。合掌致敬。於近高案處。束首立。取案上縛馬鬃尾絢條。授司俎官。退。於香鑪上薰禱。以縛馬鬃尾絢條。授司俎官。退。司俎官以絢條授牧長。繫於馬之鬃尾。所供糕酒。分於牧長等。是日復請。

坤寧宮朝祭夕祭

神於祭馬神室。

在武門內

遣總管內務府大臣一人行禮。

朝祭。豫將

神幔懸於西山牆梁上南北所釘之二鐵環上。昇
供

佛小亭連座奉安於

神幔前炕上。設案二。案上陳香碟三。醴酒三。瑱。打
糕。搓條餅。餅九盤。炕前陳醴酒一罇。司俎等奉
豬二。俟於祭室門外之右。奏三弦琵琶。司俎內
監二人。司俎官司俎四人。首領內監一人。以次
進。餘如朝祭常儀。

皇帝不親詣行禮。未進豬之前。司香婦人微

佛

菩薩前酒二盞。移亭座稍後。移二香碟出戶外。陳於祭室檐下。傍西山牆所設亭內。俟肉熟時。既分陳於案上。司香上香。取縛馬鬃尾紅紬條七十對。置大炕案上。司香婦人鋪紅氈。一司香舉酒椀。一司香舉虛椀。同進拱立。又一司香舉瓊授司祝。司祝進跪三獻。俱奏三弦琵琶。鳴拍版拊掌。歌鄂囉羅。獻畢。以臺瓊授司香。一叩興。合掌致敬。復跪祝叩興。取案上縛馬鬃尾紬條於香碟上。薰禱。授司組官。司組官授上駟院侍衛等。分給各殿祭肉。皆盛盤內。於案前以次排列。令上

駟院大臣侍衛官員廢長廢丁等進內食之餘均與月祭常儀同。其夕祭設

神幔穿鈴亦如月祭之儀陳黑漆

神座於

神幔之東北。炕上設大案二。案上陳香碟酒瓊餠餗及炕前所陳酒罇與朝祭同。餘如夕祭常儀。候肉熟時既分陳於案上。司香上香。取縛馬鬃尾青紬條三十對。置大炕案上。司香婦人鋪紅氈。司祝進跪叩祝。合掌致敬。司香婦人斂氈。以司祝所坐杌置夕祭常放處。乃設小案小腰鈴。

設

神鈴於案之東。展背鐙布幕。背鐙誦神歌。嚮

神鈴祈請。執鈴杆振鈴。及嚮腰鈴祈請。搖腰鈴。俱如夕祭常儀。禱畢。徹祭肉。取縛馬鬃尾青絢條於香碟上薰禱。授上駟院侍衛等。分給各廄。祭肉皮油及糕。分給上駟院人等。餘亦均與月祭常儀同。翼日。為牧羣繁息。復祭朝祭夕祭之

神於神室中。朝祭時。司香取縛馬鬃尾絢條二百八十對。色以青。餘與正日朝祭夕祭同。○原定。每年春秋二季為馬祀

神。每季用高二尺四寸大豬八口。每次

堂子致祭。用馬十匹。祭畢。用綠色紬條拴記馬鬃尾。其青紅紬條。拴記備祭馬匹。○崇德元年定。凡為馬羣致祭者。親王以下輔國公以上許祭。鎮國將軍以下不許。○乾隆三十六年奉

旨。朕躬所乘額馬拴記祭祀。紬條。或照薩滿禮儀拴記。或照喇嘛禮儀拴記之處。著查明具奏。欽此。遵旨奏准。每年春秋二季。為騙馬致祭於

神武門西旁祭馬神室。係薩滿即贊叩頭朝祭。給

紅紬條七十對。拴記

上乘御馬。夕祭給青紬條二百七十六對。拴記大凌河騾馬。上駟院對子園所養祭祀馬四十匹內。每年春秋二季致祭。將青馬十匹送往

堂子。薩滿叩頭祭畢。即拴記綠紬條十對。○又奉

旨。為朕所乘馬匹祭祀甚屬緊要。每遇祭祀之時。必有承祭之人。始協於禮。嗣後每季祭祀著該衙門奏派內務府總管大臣一員致祭。上駟院卿亦著一人前往。

出師祇告及凱旋告成於

堂子○恭遇

皇帝親征告祭

堂子之禮

命下。內閣諏吉。鑾儀衛陳

騎駕鹵簿於

午門外。樂部陳鏡歌大樂於

騎駕鹵簿前。次豹尾槍護軍。佩弓矢親軍佩儀刀

親軍各十人。凡親軍護軍均乘馬。兵部於

堂子街門外左右列蒙古畫角海螺如數。設

御營黃龍大纛於

堂子內門外之南。按翼分設八旗大纛八。火器營纛八。

於黃龍大纛後。武備院卿設

皇帝拜褥於

圓殿外甬道正中及內門外

御營黃纛前。從征王以下大臣。咸戎服佩刀。不從征。

王公暨滿洲一品官。咸蟒袍補服。豫往

堂子街門內東西祇候。屆吉時。禮部堂官詣

乾清門請

駕。

皇帝御戎服佩刀出宮乘騎。武備院掌蓋於

御騎前擎九龍華蓋一。武備院卿騎導。領侍衛內大

臣侍衛咸戎服佩弓矢乘騎前後翊衛。

午門鳴鐘鼓。

騎駕鹵簿前導。樂陳而不作。

駕至。

長安左門外玉河橋。軍士吸角吹螺。

皇帝入。

堂子街門。王公以下咸跪候過。輿隨入。

皇帝降騎。角螺止。是時。鑾儀衛移。

鹵簿自。

堂子至。

駕所出都門外祇候。禮部堂官恭導。

皇帝入內門中門就。

圓殿外拜位南嚮立。前引大臣止立門外。後扈大臣入侍。鴻臚寺官引王公於丹陛上。引衆官於丹墀東西。鳴贊官贊行禮。

皇帝行三跪九拜禮。王公等隨行禮畢。螺角齊鳴。禮部堂官恭導。

皇帝出內門詣。

彝前行三跪九拜禮。不贊。王公等隨行禮畢。角螺止。禮部堂官奏禮成。

皇帝乘騎。導迎樂作。奏祐平之章。領侍衛內大臣侍
衛班領。率親軍護軍舉黃龍大纛。扈
蹕隨行。六軍凱旋。諏吉整旅。屆日。
鑾輿先發。諸軍整旅徐旋。至日。鑾儀衛陳
法駕鹵簿。自郊外五里至。

堂子門外。

皇帝至郊。在京王公百官蟒袍補服跪迎於道右。候
駕過興隨行。

皇帝入都門。先詣

堂子行。告成禮。導迎鼓吹大樂皆作。至。

堂于內門。禮部堂官恭導。

皇帝降輿。致祭。

堂于拜。

森如前儀。王公等均隨行禮畢。樂儀衛移設。自簿。

堂于至。

午門外。

皇帝乘輿入長安左門至。

午門。百官跪。候過輿。王公隨入。至內金水橋。候。

駕還宮。皆退。如。

命將出師。欽天監諏吉啟行。屆日五鼓。鑾儀衛陳法駕。由簿於

午門外。文武百官咸蟒袍補服。按翼恭俟於

午門外。東西闕下。大將軍暨從征副都統以上咸戎服。王貝勒貝子公滿洲一品大臣均蟒袍補服。東面豫俟於

堂子街門內。兵部建八旗大纛各一於

堂子內門外之南。軍士執螺角。列俟於街門外。從征將士按翼分立於甬道左右。質明。禮部堂官詣

乾清門請

駕。

皇帝御龍袍補服乘輿出宮。

午門鳴鐘鼓。

法駕由簿前導。樂陳而不作。百官咸蟒袍補服跪。

送如常儀。

駕至。

堂子紅椿。軍士吸角吹螺。大將軍從征各官暨王公大

臣等跪候過輿。隨行。

駕進。

堂子街門。螺角止。禮部堂官恭導。

皇帝降輿就位行禮如儀。羣臣咸隨行。禮畢。禮部堂

官恭導

皇帝出

堂于內門。螺角齊鳴。

皇帝至

轟前行三跪九拜禮。大將軍暨隨征將士均隨行

禮畢。禮部堂官恭導

皇帝乘輿至紅椿處。螺角止。導迎樂作。秦祐平之章。

午門鳴鐘鼓。

皇帝乘輿至長安左門外。

降輿入幄。

召賜大將軍卮酒。諸禮如儀。凱旋日。

皇帝率大將軍及隨征將士詣

堂。子行告成禮。均與

親征凱旋儀同。若

命重臣經略軍務。節制將帥。以征不庭。告祭

堂。子餞送凱旋之儀。均與

命將出征同。○崇德元年。

太宗文皇帝親征朝鮮。啟行日。恭詣

堂。子行三跪九拜禮。復於

堂子外建立八纛。致祭行禮畢。啟行。○二年。班師。恭詣堂子行禮如儀。○三年。

命王貝勒等為大將軍出征。

聖駕親詣

堂子。行三跪九拜禮。外立八纛。行一跪三拜禮。○康熙十三年。

聖祖仁皇帝命大將軍王等率領大兵出征。啟行日。

親率出征。王貝勒以下。都統尚書等。及副都統以上各

官。詣

堂子。行三跪九拜禮。次於

肅前行三跪九拜禮。○十四年。撫遠大將軍王。副將軍大學士等。平定察哈爾。大兵凱旋。

聖祖仁皇帝率大將軍暨在京諸王公大臣詣

堂子行禮。○三十五年。

聖祖仁皇帝親率六軍征討額魯特噶爾丹。率諸王大

臣詣

堂子行三跪九拜禮畢。至內門外致禮於

旗幟之神畢。乃啟行。○是年。

聖祖仁皇帝自克勒和朔。

統軍回鑾。

大駕自簿全設詣。

堂子率。

皇太子

諸皇子王公滿洲大臣等行三跪九拜禮。○五十

七年。

聖祖仁皇帝命撫遠大將軍王等西征。

躬率將士詣

堂子行禮拜

嘉如儀。○雍正七年。

世宗憲皇帝命定邊大將軍北征。

躬率將士詣

堂子行禮拜

森如儀。○乾隆十三年。

命大學士經略金川。兵部建

御營黃龍大森二。八旗護軍森八。於

堂子內門外之南。

高宗純皇帝率經略及從征二品大臣王公各官於

堂子行禮畢。詣

森前行三跪九拜禮。○十四年

諭。

堂子之祭。乃我朝先代循用通禮。所祭之

神。即

天神也。

列祖膺圖御宇。既稽古

郊禮。而燔柴典重。舉必以時。

堂子則舊俗相承。遇大事及春秋季月上旬。必祭

天祈報。歲首最先展禮。定鼎以來。恪遵罔怠。且不易其

名。重舊制也。考諸經訓。祭天有郊。有類。有祈。殺祈年。

禮本不一。兵戎國之大事。故命遣大將。必先有事於

堂子。正類祭遺意。而列彝行禮。則禡也。我

祖宗於行營中或別有征討不及歸告

堂于則望祭而列彝行事其誠敬如此朕思出師告遣則凱旋即當告至乃

天

地

宗

社皆已祝冊致虔且受成太學而

堂于則弗之及祠官疏略如

神既何祀典攸關彝章宜備著議政王大臣等詳悉具議朕親為裁定載入會典欽此遵

旨議准。凡大兵凱旋。致祭於

天

地

太廟

奉先殿

社稷

陵寢如常儀外。

皇帝展拜於

堂子。令欽天監擇吉。屆期

大駕鹵簿全設。凱旋將帥大臣等。在金水橋。文武

各官在

午門外常朝處。王貝勒貝子公大學士都統尚書
等一品官在

堂子內門外序立。禮部堂官奏請

皇帝詣

堂子行禮。不隨行禮。王以下各官候

駕過。跪送。凱旋將帥皆隨行。諸王貝勒貝子公大學
士都統尚書等一品官候

駕至。跪候。過。隨入。禮部堂官恭導

皇帝進

堂子。就拜位。凱旋將帥大臣等。皆依次序立。鳴贊官奏
跪拜興。

皇帝行三跪九拜禮。凱旋將帥等均隨行禮畢。奏禮
成。禮部堂官恭導。

皇帝至內門外乘輿還宮。

堂子員役。○順治二年定。守衛。

堂子。設七品官二人。八品官二人。

今八品官六人。共八人。分八旗。選補。由

禮部選補。○乾隆元年奏准增設。

堂子灑掃人役十二名。由內務府選送。

欽定大清會典事例卷一千一百八十三

內務府

祀典

坤寧宮祭
元旦行禮

坤寧宮日祭

坤寧

坤寧宮月祭

坤寧宮報祭

坤寧宮月祭翼日祭

坤寧宮祭

神之制○

坤寧宮廣九楹內西大炕供朝祭

神位北炕供夕祭

神位

謹案

神為釋迦

欽定滿洲祭神祭天典禮朝祭
觀世音菩薩彌聖帝君夕祭

所稱乃有阿哩年錫安春阿雅喇穆哩穆哩哈

納丹岱理。納爾軒初。恩都哩僧固。拜滿章京。
納丹威瑚哩。恩都蒙鄂樂。客屯諾延。諸號。中惟
納丹岱理。即七星之祀。其餘均無可考。又樹柳枝求
以先世有德而祀。其餘均無可考。又樹柳枝求
福之神。稱為佛立佛多鄂。廷立
護錫瑪瑪者。為保嬰而祀。廷立

神杆以祭

天。

坤寧宮元旦行禮。○正月初一日三更。司香於

坤寧宮朝祭夕祭

神位前俱上香。

皇帝

皇后行禮。司香鋪氈如遇

皇帝率王貝勒貝子等行禮。司香照常上香。鋪皇帝行禮之氈。

坤寧宮日祭。每日朝祭。豫將鑲紅片金黃緞神幔用黃棉絨繩穿繫。懸於西山牆雕龍髻金紅漆三角架。以紙二張。各四折。鏤錢四。挂於神幔兩端。并供

佛髻金小亭。連座安奉於大炕南首。次於神幔懸

菩薩像。又次懸

關帝神像。均東嚮。炕上設紅漆案二。陳香碟三水三瓊。

方切灑糕十盤。

以九盤陳案上。一盤陳案下北首。

一炕下鋪黃花

紅氈。設司祝叩拜小案。司俎太監等豫於中間。

屋內鍋前鋪油高麗紙二張。以包錫紅漆大案。

二。置紙上。西嚮。屆時。司香上香。司俎太監司俎

等奉豬二。俟於

宮門外之右。皆北嚮。奏三弦琵琶。司俎太監二人。

司俎官司俎八人。首領太監二人。均以次進嚮。

上盤膝坐。奏三弦琵琶。鳴拍版。司俎滿洲等屈

一膝跪拊掌。司香授神刀。司祝執神刀進。司俎

等復奏三弦琵琶。鳴拍版拊掌。司祝一叩興。司

俎等歌鄂囉羅。司祝擎神刀。禱祝三次。誦神歌一次。擎神刀。禱祝時。司俎等復歌鄂囉羅。誦神歌三次。如前儀。如是九次畢。司祝跪一叩興。又禱祝三次。以神刀授司香。奏三弦琵琶。鳴拍版。人等起立避於旁。

皇帝親詣行禮。司香將司祝叩拜。小案移於北首。皇帝進於

神位前。正中嚮上立。司祝先跪。

皇帝跪。司祝祝畢。

皇帝行禮興。退。司祝一叩興。合掌致敬。如同。

皇后行禮。司俎官司俎等俱退於外。惟留司俎婦人
司香太監等在內將事。

皇帝在南。

皇后在北行禮。如遇

皇帝

皇后不行禮之日。司祝叩興之後。司香徹

佛

菩薩前供水二瓊。徹

菩薩像恭儲黃漆木筒。司俎太監等恭昇供

佛小亭及香碟。移奉於

宮之西楹大亭。香碟供於前。小亭座移置於後。復

移

神幔稍南位。

關帝神像於正中。奏三絃琵琶。鳴拍版人等進坐於原處。司香婦人斂氈三折之。鋪於炕前。司香舉瓊授司祝。司俎太監等舁一豬入置炕前。首西嚮。司俎滿洲一人屈一膝跪。按其豬。司俎官等奏三弦琵琶。鳴拍版拊掌。司祝跪於三折氈上。斜嚮西南舉瓊獻水一次。司俎等復歌鄂囉羅。司祝致禱。以二瓊水合注一瓊。灌豬耳內。授瓊於

司香一叩興。三弦琵琶拍版暫止。司俎滿洲轉豬首東嚮。司俎太監等舁豬暫置於包錫大案上。司香復舉琖授司祝。司祝接琖。舁第二豬。入獻水。灌水如前儀。二豬俱橫置於案上。令首西嚮省之。每案前以司俎婦人二人。舉銀裏木槽接血。司香婦人徹氈。設紅漆高案。置盛血木槽於其上。徹所陳糕。豬氣息後。司俎等轉豬首嚮南。去其皮而節解之。其頭蹠及尾。惟燎毛焯淨。不去皮。置臙腑於錫裏木槽。舁出別室。整理潔淨。舁進。司俎滿洲一人。進於高案前。屈一膝跪。

灌血於腸。均煮於鍋內。司俎太監等置皮於木槽內。徹包錫大案及油紙。以膽與䟽甲儲紅漆。小木碟內。置炕上所設之案北首。候肉熟。細切。胙肉一碗。設筋一雙。陳於炕上案之正中。以二豬之肉分置二銀裏木槽內。前後駁分置四角。胸膛在前。尾樁在後。肋列兩旁。合湊畢。置豬首於上。復以臙脂連油置豬首鼻柱上。陳於炕前所設之高案。司香上香。司香婦人鋪氈。設司祝叩拜小案。一司香舉盛水椀。一司香舉虛椀。同進拱立。司祝進跪。又一司香授瓊於司祝。司祝

接琖以獻。奏三弦琵琶鳴拍版拊掌人等進列坐如前儀。司祝每獻將所獻之水注虛碗內。復自盛水碗內。挹新水注琖中以獻。凡三獻。司俎等俱歌鄂囉羅獻畢。司祝以琖授司香。一叩與合掌致敬。三弦琵琶拍版皆止。衆俱起立。退。司祝跪祝如恭遇。

皇帝

皇后親詣行禮。如前儀。神肉案前叩畢。徹祭肉盛盤內。於高案前按次陳列。或

皇帝率

皇后受胙。或率王公大臣食肉之處。請旨遵行。如遇

皇帝不受胙之日。令直班大臣侍衛等進內食之。食畢。司俎太監等徹皮骨皮油交膳房。其骨膽蹠甲。司俎官送潔淨處。化而投之於河。隨斂

神幔。其所挂紙錢。敬謹收存。俟月終。儲於高麗紙囊。除夕。送赴

堂子與

堂子內所挂紙及

神杆同化之。其供

佛小亭。恭儲

菩薩像木筒及香碟。仍移奉於西楹。恭儲

關帝神像於紅漆木筒。安奉於西山牆。繪花紅漆

神櫃上。陳香碟三於案之東。其夕祭。豫將鑲紅片

金青緞

神幔繫於黑漆架上。用黃色皮條穿大小鈴七枚。

繫樺木杆梢。懸於架梁之西。恭請

穆哩罕神。自西按序安奉架上。

畫像神安奉於

神幔正中。設

蒙古神座於左。皆安奉於北炕。南嚮。炕上設漆案二。陳香碟五。水五瓊。陳灑糕如朝祭之數。惟案下一盤。陳於西首。未進豬之前。恭請

佛

菩薩像及香碟二。供於西楹大亭。司俎太監等鋪油紙設案。俱如朝祭儀。司香上香。司香婦人以司祝所坐黑漆杌置

神位前。司俎太監以鼓連架近杌安置。司祝繫閃緞裙束腰鈴。執手鼓進。司俎太監二人。西嚮立。一擊鼓。一鳴拍版。司祝坐擊手鼓。誦神歌祈請。擊鼓

太監一手擊鼓一點以和。司祝拱立。初次嚮後盤旋踟步祝禱。擊鼓太監雙手擊鼓三點以和。司祝復盤旋踟步前進祝禱。擊鼓太監雙手擊鼓五點以和。司祝拱立誦神歌以禱。擊鼓五點拍版三鳴和之。二次嚮後嚮前盤旋踟步祝禱。惟擊鼓七點。司祝拱立誦神歌以禱。復擊鼓五點拍版三鳴和之。三次祝禱。亦惟擊鼓十一點。司祝拱立誦神歌以禱。復擊鼓四點。未以雙槌交擊鼓一次。拍版三鳴和之。凡三次誦神歌禱畢。司祝祝禱時。惟擊手鼓四點。三鼓而止。退以

手鼓授司香婦人。釋閃緞裙及腰鈴。司香婦人鋪墊。

皇帝親詣行禮。司香婦人移司祝叩拜小案於西首。皇帝進於

神位前正中嚮上立。司祝先跪祝畢。

皇帝行禮如朝祭儀如同。

皇后行禮。

皇帝在東。

皇后在西。行禮如儀。如遇

皇帝

皇后不行禮之日。司祝叩拜畢。司香婦人斂氈三折之。鋪於炕前。置盛水椀一。虛椀一。司俎太監等昇豬入置炕前。首北嚮。司俎滿洲一人屈一膝跪。按其豬。司祝跪於三折氈上。斜嚮東北。從盛水椀內挹水注瓊中。舉捧祝禱。灌水於豬耳內。一叩興。司俎滿洲轉豬首南嚮。司俎太監等暫置豬於包錫大案上。司祝復跪。從盛水椀內挹水注瓊中。昇第二豬入。祝禱灌水如前儀。一叩興退。二豬俱置於案上。轉豬首西嚮省之。每案以司俎婦人二人。舉銀裏水槽接血。司香婦人

徹氈。設紅漆高案於炕前。置盛血木槽於其上。留所陳糕一盤。餘俱徹去。豬氣息後。司俎等轉豬首南嚮。去其皮節解。灌腸煮肉。俱如朝祭儀。惟膽與蹠甲於竈內化之。候肉熟。細切胙肉五椀。每椀設筋一雙。陳於北炕案上。以二豬之肉分置二銀裏木槽內。如朝祭儀。陳於炕前高案上。司香。上香。司香婦人鋪氈。司祝進跪。叩祝。合掌致敬。司香婦人斂氈。設司祝所坐之杌。及小案。小腰鈴。設神鈴於案之東。徹香碟內火。與鐙。並掩竈內火。展背鐙。青紬幕蔽之。衆俱退出。闔

佛

戶擊鼓。太監以鼓移幕前。司祝坐杌上。初次誦神歌。嚮神鈴祈請。擊鼓四點。又雙槌交擊鼓一次。拍版三鳴和之。二次執鈴杆振鈴誦神歌。以禱。擊鼓五點。拍版三鳴和之。三次誦神歌。嚮腰鈴祈請。擊鼓四點。又雙槌交擊鼓一次。拍版三鳴和之。四次搖腰鈴誦神歌。以禱。擊鼓五點。拍版三鳴和之。禱畢。擊鼓三點。拍版一鳴而止。斂背鐙。

神幕啟戶。復移鐙火入。徹祭肉。送交膳房。恭請。

菩薩像及香碟仍安奉於西楹原位。斂

神幔。徹

神畫像並

蒙古神。

穆哩罕神。俱恭儲紅漆匣內。安奉於北牆。繪花黑漆神櫃上。陳香碟五於案之南。如遇恭祭

壇

廟。

皇帝齋戒及忌辰清明等不宰牲之日。並每年十二

月二十六日請

神送

堂子後

宮內均停祭。○順治初年定。

大內每日祭

神二次。晨以丑寅時。晚以未申時。均用豬。二月朔皆陳時果九碟。餘日陳糕十盤。一應造辦。均由祭

神殿司。俎官率各執事。首領太監率太監。司香婦長率司香婦。掌爨婦。碓房婦。祇承其事。其祭豬菜。盛薪炭及造辦祭品。一應器皿。均由掌儀司。照司俎官呈報。移文各該處。敬謹辦進。祭

神所用安春香。每年一次。移文會計司並內管領處於口外採取。○康熙二十年定。

皇太子宮每日祭

神暨四季敬

神皆視

大內之半。

四十七年停止歸於大內。

○又定。

皇子分封後該府內安

神祭

神敬

神所用馬牛金銀緞布及一切所用各項陳設祭品均

按爵秩奏准移付各該處照例如數給發。○乾隆五十二年奉

旨舊制坤寧宮每日祀

神祭肉。理宜潔淨熟暖。給散秩大臣侍衛等分食。乃近來該首領太監等。每將整塊好肉。私行偷用。以冷肉及瘦瘠殘賸皮骨。分給充數。以致散秩大臣侍衛等進內食肉者漸少。滿洲舊制祭祀敬

神祭肉。晚間背鐙者。例交膳房散給各處。及早間所供者。例不准出殿門。原承不留

神惠之意。乃風俗不古。散秩大臣侍衛等。或竟不以此

為榮。反以為辱。固屬非是。但太監等私藏好肉。以平常之肉給食。尤不可不嚴行查禁。嗣後祀

神祭肉。著派總管太監等管理。每日喫肉之時。仍著派御前侍衛一員。乾清門侍衛二員。同喫肉之散秩大臣侍衛等進宮分食。並徧加查看。如有仍前弊端。即據實具奏。除將總管太監全行治罪外。其派出專管之總管太監加倍治罪。仍著內務府大臣。於宮庭內外隨時稽查。儻有私行偷出售買者。即行嚴拏究辦。

○嘉慶六年奉

旨。本月二十六日恭祭

社稷壇禮成後至坤寧宮進肉。嗣後凡遇齋戒之期。前三日不進豬外。其正祭之日。坤寧宮照常進豬。

坤寧宮月祭。○正月初二日。每月初一日。朝祭夕祭之儀。與日祭同。惟朝祭於炕上所設之案。陳醴酒三盞。時果九碟。其所陳方切灑糕。遇五月則供椴木葉餠餠。六月則供蘇葉餠餠。七月則供漿糕。八月則供打糕角子。炕前設獻酒長案一酒罇。一。案上設黃瓷碗二。一實酒。一虛。未授神刀之前。初奏三弦琵琶。鳴拍版拊掌。時司祝進於獻酒案前跪。司香舉盞。司祝接盞。將所

獻酒注虛椀內。復於實酒椀內挹酒注於琖以
獻。凡六獻。每獻司俎等歌鄂囉羅。獻畢以琖授
司香。一叩興合掌致敬。三弦琵琶拍版暫止。司
香及司香婦人徹酒椀及獻酒之案。乃設司祝
叩拜小案。炕前酒罇以淨袱罩之。灌豬耳以酒
不以水。設炕前紅漆高案。後糕與酒果並徹。餘
與每日朝祭同。其夕祭亦惟大炕案上陳酒琖
五。時果九碟。炕前陳酒罇一。將進豬時罩之以
淨袱。灌豬耳用酒。炕前設高案之後。糕與酒果
並徹。餘與每日夕祭同。如為

皇子祭祀則司祝禱祝

皇子叩拜如

皇子不叩拜則司祝禱祝叩拜

皇子未分府前即於所住正室內朝懸幔恭奉

佛亭夕繫幔於架恭奉

神座以祭之或即於

坤寧宮致祭朝祭於進豬以前移香碟二陳於祭
室外西廊下亭內徹出皮骨後復移入安奉於
朝祭

神位之紅漆案上夕祭除不移陳香碟外俱如

坤寧宮祭儀。凡諸王貝勒貝子公等。及宗室覺羅

伊爾根覺羅。錫林覺羅。姓之滿洲等。俱如此儀。

祭之。

謹案月祭向例。正月初二日祭。

天嘉慶四年後改用初神。

四日祭。

齋戒期內。另行改期。

天如遇。

○乾隆十六年奉

旨。來年祭

神及敬

神。均定於初四日。欽此。遵

旨。議准。正月祭

神。選吉日請

旨。如年前立春。將祭

神日及敬

神日一併具奏。如正月立春。則選敬

神吉日具奏。

坤寧宮月祭翼日祭

天○豫期恭請

佛

菩薩像安奉於

坤寧宮西楹大亭。如常祭之儀。司俎太監等於

神杆東北鋪油高麗紙。設紅漆包錫大案一。西嚮。

卸下

神杆以杆端嚮東斜仰於倚柱上。杆首注於地。徹舊夾紙。舊穿頸骨。置銅海內化之。

神杆石前嚮上設紅漆高案一。陳銀碟三。一盛所灑米。二虛設。置紙一於案上。離

神杆石稍遠西北。設紅漆架一。覆以紅氈。架南設花木方盤案一。紅漆方盤二。盤內置案板數枚。移銅鍋銅海。設於木盤之北。竈門東嚮。屆時司俎太監等進豬。置於

神杆石之東旁稍後。首南嚮。

皇帝親詣行禮。司香婦人於

宮門內近檻處鋪黃花紅氈。

皇帝入對。

神杆嚮上跪。司俎官進嚮前立。捧米碟灑米一次。

祝禱祭。

天畢。又灑米二次退。

皇帝行禮興退。如同。

皇后行禮。

皇帝居中。

皇后在西行禮。司俎等俱退於外。太監等率祝禱祭。

天之司俎滿洲背立。如遇。

皇帝

皇后不親詣行禮之日。司祝奉

皇帝御衣叩拜。司俎太監等轉豬首嚮西。置包錫案
上省之。以銀裏木槽接血。陳於高案上。豬氣息
後。轉其首嚮南。司俎等即於院內去其皮。先以
頸骨連精肉取下。並擇取餘肉煮於銅鍋內。餘
俱按節解開。擺列於銀裏木槽內。置首於前。以
皮蒙其上。置包錫案上南嚮。腸臟修整後。亦儲
木槽內。以盛血。木槽橫置於盛肉木槽之前。肉
熟細切為絲。先取精肉頸骨陳於高案西邊所

設銀碟內。膽儲東邊所設銀碟內。盛小肉絲二
碗。各置筋一雙。稗米飯二碗。各置匙一。自東嚮
西。飯肉相間以陳。

皇帝親詣行禮。司俎官仍如前儀。奉米碟灑米一次。
禱祝祭

天畢。又灑米二次。退一叩興。司俎官司俎等以頸骨穿
於

神杆之端。精肉及膽並所灑米俱儲於

神杆斗內。立於

神杆夾紙於

神杆及倚柱之間。東首所供肉飯徹入

宮內。

皇帝

皇后受胙如遇

皇帝

皇后不行禮之日。令在

坤寧宮內人等食之。西首所供肉飯留於外。同鍋
內所餘湯肉。令司俎及太監等食之。其餘生肉
及木槽高案油紙俱移入

宮內。如祭

神儀取頭踧燎燂。腸內灌血。煮於鍋內。肉熟盛盤內。令大臣侍衛等進內食之。司俎太監徹油紙高案及皮與骨。皮油送交膳房。骨送潔淨處化而投之於河。恭請

佛

菩薩像至西楹。安奉於原位。鍋海與神架方盤等物。各收於原處。如遇雨雪。司俎及司俎太監等張大油紙。繖遮於祭

天案鍋之上。如為

皇子祭

天則

皇子叩拜如

皇子不叩拜則司祝奉

皇子衣服叩拜。

坤寧宮報祭○每歲春秋二季立杆大祭前期二

日。

坤寧宮報祭如日祭之儀。

